

Askagintzak antolatutako Udaberri 98 kanpaina «berezia» izango da aurten


Elkartea sortu zeneko 10. urteurrena ospatuko dute Hegoaldean, herriz herri

Udaberri 98 kanpainako programa aurkeztu zuen atzo Askagintzak Donostian. Aurtengo programaren berezitasunak azpimarratu nahi izan zituzten elkarteak; izan ere, aurten hamar urte betetzen baitira herri elkarteak sortu zenetik, eta hori dela eta programa berezia antolatu dute.

Erredakzioa / Donostia

AURTEN Askagintzak antolatu duen Udaberri 98 kanpaina berezia izango da. Elkartek urtero kanpaina bat egin ohi du droga-menpekotasunaren arazoaren inguruan gizartea kontzientzatzeko. Hala ere, aurten berezia izango da kanpaina, Askagintzak sortu zenetik hamar urte betetzen baititu. Txus Congil Askagintzako arduradunak azaldu zuenez, aurtengo udaberriko programak lau helburu nagusi izango ditu: batetik, gizartea droga-menpekotasunaren arazoaren inguruan kontzientziaztea. Horretarako, ordea, gune ofizialetan ohikoa izaten den planteamendu zigortzailea baztertu behar da. Askagintzaren bigarren xede nagusia 10. urteurrena ospatzea izango da. Elkartea Etxarri-Aranatzen sortu zen duela 10 urte, droga-menpekotasuna eragiten duten arazoak aurre egiteko.

Bestetik, Askagintzak 10 urteko jardueraren ondorioz egin dituen proposamen eta hausnarketak ere aurkeztuko ditu. Azken helburua izango da Euskal Herrian lanean ari diren herri elkarteekin elkarlana sakontzea. Horretarako, hainbat bilera egingo dituzte kultur eta gazte elkarteekin, besteak beste.



Askagintzako kideak, Zazpi Eskale, Takolo, Pirritx eta Porrotx eta Oihulari Klowneko kideekin, atzoko agerraldian.

ASKAGINTZA

Helburuak aurkeztu eta gero, programaren barruan izango diren ekitaldiak aurkeztu zituen Congilek. Alde batetik, Askagintzarekin Topaketak izango dira aurten. Elkartea herriz herri joango da bere mezua gatzetxe, auzo eta institutuera helaraztera. Horretarako bideo bat, erakusketak, aldizkari bat eta Oriol Martinen liburu bat erabiliko ditu elkartek. Bideoa Askatasuna Lantzen izena du, eta erakusketak 10 urte Askagintzarekin.

Takolo, Pirritx eta Porrotx, Oihulari Klown eta Zazpi Eskale • Bestetik, Askagintzarekin Ekitaldiak izango dira. Ekitaldietan hiru taldek hartuko dute parte: Ta-

kolo, Pirritx eta Porrotx pailazok, Oihulari Klown mimo taldea eta Zazpi Eskale musika taldeak. Hiru taldeek hamar ekitaldi egingo dituzte Euskal Herriko hainbat herritan, Askagintzak antolatuta. Pailazok Makarroiak izeneko ikuskizuna aurkeztuko dute, antzezleek Kolo Klow ikuskizuna, eta musika taldeak Barrunkale Blues azken diskoa aurkeztuko dute.

Besteak beste, Azpeitian, Bilboko San Frantzisko auzoan, Gernikan, Bermeon, Iruñeko Txantrea auzoan, Usurbilen, Altsasun, Oreretan, Donostiako Egia auzoan, Oñatin, Eskoriatzan, Andoainen, Getarian, Oretako Galtzaraborda auzoan,

Urretxun, Arrasaten, Zarautzen, Donostiako Altza auzoan, Hernanin, Elgoibarren, Etxarri-Aranatzen, Donostian, Bilbon, Lezon, Iruñean eta Izpurun. Hiru taldeetako ordezkariak prentsaurrekoap izan ziren Askagintzako kideekin batera, eta ekitaldietan parte hartzeko arrazoiak azaldu zituzten. Funtsean hirurek azaldu zuten ados daudela elkartearen filosofiarekin droga-menpekotasunaren arazoari aurre egiteko.

Azkenik, maiatzaren 23an Bizirik Eguna ospatuko dute Askagintzako kideek Etxarri-Aranatzen, Sakana bailarako hainbat elkarte eta instituzioekin batera. x

Alain Viaut: «1992tik okerrera jo du hizkuntza gutxituen egoerak Frantzian»

■ Akitaniako mintzairak aztertu ditu Bordeleko Unibertsitateko irakasleak

L.K.G. / Gasteiz

ZENBAIT hobekuntza badaude ere, 1992. urtean Frantziako Konstituzioan ezarritako aldaketak Frantziako Estatuko hizkuntza gutxituen egoerak legalki okerrera jotzea ekarri duela nabarmendu zuen Alain Viaut Bordeleko Unibertsitateko irakasleak atzo eguerdian Gasteizen emandako hitzaldian. Viautek Akitaniako hizkuntzen egoeraz hitz egin zuen Filologia, Geografia eta Historia Fakultatean.

Viauten arabera, «azken bolada honetan badago Frantzian hizkuntza gutxituen aldeko eskara soziala, baina oraindik ez du lortu behar beste indarrik, eta,

oro har, egituraketa eskasa dauka». 1992an Konstituzioak onartu zuen bigarren artikulua dio frantsesa Errepublikako hizkuntza ofiziala dela. «Aldaketa hark ekarri zuen Frantziako errealitate eleantza ez ezagutzea. Zer esan nahi du, bada, frantsesa Errepublikako hizkuntza dela? Gainontzeko hizkuntzak ez direla errepublikanoak, ala? Oso gauza arraroak esaten dira Errepublikaren eta demokraziaren izenean», salatu zuen.

EAEn indarrean dagoen Hizkuntza Politikarako Zerbitzuaren moduko zerbait bezala ariko den Hizkuntzaren Kontseilua laster abian jarriko omen da. Iparraldeko batzorde hori okzitaniarren-

tzako «ereduzkoa» izango litzatekeela dio. «Baliteke nolabaiteko hizkuntza politika hastera, baina ez dakigu oso ondo zer irizpiderik-eta», esan zuen. «Nolanahi ere, dena oso ahul dator, eta, ohi bezala, motelegi», gehitu zuen.

Akitania Frantziako hegomendebaldeko eskualde historikoa da, 2,7 milioi biztanlekoa. Hiru errealitate linguistiko jatorrizko ditu: euskara, okzitaniarra (gaskoia da nagusia) eta Gironako iparraldeko bat. «Hizkuntza hauek oso egoera kaskarrean daude, egoera postdiglosikoa, eta okzitaniarra eta Gironako iparraldekoa ordezkatzeko zorian», alpatu zuen Viautek, «eta, hizkuntza politika mesedega-



Alain Viaut

OLALDE

rririk ezean, berdina jarraitzeko itxura osoa du».

Iaz egindako inkesta batek zioen biztanleetako %20k okzitaniaraz bazekiela, baina Viautek uste du benetan ez dela %10etik gorakoa izango; erabilpena %5etik beherakoa da. x

Zuzenbidea eta Giza Genomari Buruzko Jardunaldiak, gaur eta bihar Deustuko Unibertsitatean

■ Bioteknologiaren esparrua jorratuko dute adituek gaurko ekitaldietan

Erredakzioa / Bilbo

BBV Fundazioa, Bizkaiko Foru Aldundia, Euskal Herriko Unibertsitatea eta Deustuko Unibertsitateko Zuzenbidea eta Giza Genoma Unibertsitate-arteko Katedrak Giza Genoma eta Zuzenbideari Buruzko V. Jardunaldiak egingo ditu gaur eta bihar Deustuko Unibertsitatean bertan.

Gaurko saioan, Emilio Muñozek, CSICko (Ikerketa Zientifikoetako Kontesilu Nagusia) Gizarte Ikasketa Aurreratuen Institutuko kideak, Bioteknologiaren Gizarte Pertzepzioak gaia jorratuko du; eta Manuel Lobato Garciak, Madrilgo Unibertsitate Autonomoko irakasleak, berriz, Asmatzuen bioteknologikoen babesari buruzko ikuspegi juridikoez mintzatuko da.

Biharko emanaldian, Jose Carlos Alberto Bethencourt La Lagunako Unibertsitateko irakasleak eta Jose Maria Alvarez-Cienfuegos Madrilgo Entzutegi Nazionalako Liskar Administrazioaren Aretoko lehendakariak, hurrenez hurren, Kontseilu genetikoak; klinikatik etikara eta Datu genetikoaren babes juridikoa gaiak landuko dituzte. x

Haur bat hil zen atzo Bilbon, bosgarren solairutik erori ostean

Efe / Bilbo

BEDERATZI urteko haur bat hil zen atzo Bilboko Errekalde auzoan, bosgarren solairutik jausi ondoren. Herrizaingo Sailak atzo zabalduetako bertsioaren arabera, balkoiko baranda jarrita zegoela, baranda hautsi eta erori zen lurrera umea, eta unean bertan hil zen.

Hala ere, ez dago argi horrela gertatu zenik istripua. Izan ere, DYAK azaldu zuenez, haurra arropa zabaltzeko tokian jolasten ari zen eta barruko patio batera erori zen, argitu ez diren arrazoiak direla eta.

Ezbeharra arratsaldeko 15:10ak aldera gertatu zen, eta izan eta berehala joan ziren DYAKo kideak Errekalde auzora, baina ezin izan zuten ezer egin, haurra berehala hil baitzen. Ertzaintzak adierazi duenez, haurra estatu batua-rra da. x